

王
船
山
遗
书

王

船

山

遺

書

與
一
香
香

後學吳讓之書首

同治四年湘鄉曾
氏棐于金陵節署

遣興詩 夕堂戲墨卷二

船山遺書五十四

衡陽王夫之選

讀甘蔗生遣興詩次韻而和之

者回自別休道是望州亭相見也烏道音書無從
通一線在鄉者有人著書說西子湖頭一佛出世
罷參向南高峰去心知其不然湖光山色儘一具
粉骷髏淡粧濃抹和哄者跛漢不住又安成程大
匡書來說五老峰前遠公延客庶幾或爾乃今又
在盧家狔獠西隣煨折腳鐺春雲入亂烟不可揀
取大要在一瓠道人鼻上弄鼻孔作癢得此詩者

又是一場懣懣今春有杜鵑花不覺到鐵牆拗王
君延我入新齋爲他和石灰泥壁忽拈一帙詩沒
其所自得教認取誰家筆仗卒讀久之乃知是者
跛漢王君笑指石灰桶說尋常謂道人認得行貨
今乃充此物經紀眯着眼看秤斛耶者是十三年
前借山在靈谿所作逢彼場中作彼雜劇今來則
又別須改一色目演馬丹陽度劉行首唱曉風殘
月矣想者跛漢白椎又換借山在一瓠鼻尖上安
單一瓠在借山眉毛上厝鼎雲淨水乾黃龍出現
黃龍蛻角水漲雲飛打破者皮疆界是一是二時

節因緣且與還他境語於是爲次韻而和之不能
寄甘蔗生也爲之悽絕癸卯六月望茱萸塘漫記
兒戲搏沙造化工楊花飛雪舞來同東晴西雨雙虹斷海
鯨江鱗四月通有興但拋碁一劫無情憑唱曲三終清風
半港留難住笑爾詠諧柰爾窮

情絲未剪不嫌癡槌板留歌薤露辭針剗古錐深見血線
分絨縷細成絲踏殘馬足霜寒後叫到鵲瘡月落時元是
百花尖上雨春歸憑此泣青枝

龜蒙未畜解言雞仲子難栽傷井薇莫向楚秦伸屈指繇
來籛戚冒妍皮縱橫諸界天皆窄抹直前頭路不疑臘月

南窗西澗菊何須粉本揚皇羲

南郭有心非槁木東方果腹亦侏儒金匱不刮鸕鷀眼
弩矢還留鴻鴈書臨濟老拳石勒飽瀉山苗稼宋人愚鷗生
驚死區區外別灼龜毛問卜居

不是好山看得西
湖遊只許白蘇出
緇入素人驚犬洗
髓伐毛我喪吾雪
色一天屯凍蛸秋
聲萬頃訊寒蛩誰
知落月金風裏盪
漾予魂脫影逋

生縛奉先雙腕急
曹瞞未是出羣才
已知轄鳳妖翎幻
難割泥龍左耳乖
覆醢銅青蝕鐵骨
無鹽水墨寫桃腮
千尋偃蓋秦封樹
總給寒鑪一夜柴

千頃玻瓈玉一堆今年窮得立無錐
鴻飛沙遠微遮月笋怨春歸已厭雷
癰裏關山酸結果醉中日月大鉗鎚
一莖虀在教人喫角徵宮商聽者誰

紺髮金毫此是真父兮生我大年椿
胞胎十月從盤古弧矢當年射戊申
瑤柱肌清存海蛤肉尖軟觸笑麒麟
江梅饒有千鈞力截取霜華作小春

斷臂教心何處安佛頭正好與簪冠
世人不信扳龍髯吾道偏須食馬肝
癰蝶偶然傳錦瑟彈鶯消得與金丸
大分八字亭亭立擎出秋香散菊團

采苓競上采薇山周士不頑殷士頑
蘇峻有名誅庾亮桓

侯無義謝嚴顏齊紈莽戲花間蝶鐵網深籠海底珊莫怪
史遷輕節義蒼天雙立闢雞幡

酣睡陳搏之華岳昌黎雪涕强攀援人間死盡因幘業平
地春誰埽墓田蛾命隨緣鐙後夜豹皮留取霧先鞭婷婷
孌孌三尸隊且噉鴻門一彘肩

奇章癆異瀉于癯王播寮非周朴寮粘冷瘵寒俱是瘡初
三十八各乘潮宋齊邱賣譚昇藥沈亞之欺弄王簫消受
餘鯖有樓護隔筵中壘漫勞招

石頭路滑跌千交躡險剛餐度索桃珍重智鐙逢室暗淒
涼愚鼓背人敲雷龍百部丹田火風雨三莖赤膽毛淡月

疎星生死徑北邙現在有東臯

冷眼越裳覩海波橫江津東奈公何人歸洪皓傳邊怨客
散田橫闕挽歌絳蠟無光依鬼火寶刀失計漏天魔參差
記得前春窻繡壁紅絲繫女蘿

高緯暫時稱狗腳劉聰依額派官蛙啄來鸚鵡無香粒舞
徹垂楊有白華女領帶髭疑燕國細腰無牝亂蜂衙蒼天
幻出非奇特走盡銀魂剩得砂

唐宋以前無轍迹龍頭刪角未爲蛇鄰人乞醋兼輸甕客
鬼移頭已載車埋到九泉同蟻語慳留一范禁蟬賒兒童
自笑鄉音改除取機心聽爾擲

三頭九頭誌古皇可容穩牀北窗涼一百六日寒禁火七十二絲悲動商李微嗚咽羞作虎左慈長跼樂爲羊也知秋葉如鵝血愛此楓林一夜霜

已聞嘉魚詩作佛還見仁和今爲僧公今墮地吼獅子我亦延客弔青蠅使君有蜀孤有魏離婁無耳曠無睛夜半失枕明失火眠食兩廢莫相矜

狐皮織葛苧編裘莫笑狂夫計不稠采葢餘香熏茂苑裂繒全錦付河洲醉眠芳草還沾酒險摘星辰更上樓大抵乾坤消一掬達多死認鏡中頭

夜闌風雨攪離心啼鳥荒雞夢可尋春艸漫生鶯不醒碧

天無際月空沈劉晨再到難求藥扁鵲當時憶下針鐙火
樓臺三婦豔棠梨邱壘二桃吟

焦先空爇馬昭菴朱泚全添盧杞藍崔允下風輪柳璨劉
歆上策笑周堪宜中宋瑞睂高下黃皓姜維意北南張角
已消曹節恨夏姬難飽孔甯饒

鋒端有蜜也爭甜淡菜生忘徹骨鹽鬚殼作帆迷纜索蛛
絲爲線膩針尖近闌螢過皆疑月鄰院花開只下簾野老
向人求骨董平詞匾鼓淚中拈

人間幻出墨胎廉左右方圓畫可兼鶯囀九歌嬌屈子綠
肥五柳富陶潛雪中但窖豐年蠶汗後全忘隔日疔百尺

竿頭須痛劖泥封永鼎更添鹽

反走無心怖季威還柳有客傲蘇耽排場隊裏供千笑折
腳鐙前老一菴五百僧唯推北秀三秦人舊狎章邯瀟湘
春水如天上白鳥高飛我自慙

魚子鼈裙終歲事蜂腰鶴膝暫時心蠹除恣我橫吞墨絃
斷知誰竊聽琴洗面清晨知鼻孔澆花昨日趁天陰劫灰
揉得如泥爛砌向雕梁燕壘深

少卿得意魚燒尾崔浩多才鼈出頭魏絳巧窮工買綻杜
欽智盡漫藏鈎揚雄須死元空草徐鉉無情水自流張偉
醉中悲破甑蒙恬悟後罵虛舟

病趣新來肝化越壯心當日酒如澠流離少好今衰醜追
蠡年深舊歎銘甜苦連根都是瓠肉魚雜煮別爲鯖直方
莫打龜山譜西席逢迎只蔡京

燕反自嚙薪木毀鼠歸空汎月明航

原用桁字晉史朱雀
桁通作航音義本同

寶瓔無力供諸佛巾幘何辭誚女郎食豕食人顏不泚于
羊于蟻智雙降冰蠶浴火如霜雪勞爾添柴沸鑊湯

嬋娟侵夜片雲遮逗漏三星影但賒隴上健兒嗚咽水原
頭和尚武剛車憑醫死馬兜鈴草好上危牆吉莫靴烏徑
關心如縷血殷勤目送鴈行斜

張超用得迷離霧殷七須開頃刻花碁館兒孫千億劫漁

村燈火雨三家撥殘冷竈應逢豆擊碎油瓶且拾麻旁午
杏壇偷玉璧殷勤雞足護袈裟

歸來魂些元蠹塞若有人兮白馬河半笑半啼分咫尺八
寒八熱一蹉跎從無獵者嫌猩罵除是周南伏鼠魔摘出
心肝人不買搖槌徒唱望鄉歌

一瓠被噉五鹿角衛公

甘蔗生故字

喫打大臣袍

實事

新寒改

樣酸垂足宿痞生根病在膏六鷁退飛爭熠燿孤禽重過
酷啁嘲藕絲大展脩羅殿欸欸蜻蜓傍葉逃

清霜墜葉月當宵似我風流不易描相好裝成活卦影文
章哭殺死黥堯黃金肘露衾前雪生鐵牙消飯底焦十里

花飛千步錦蘭巢香滿鬧鴝鵒

匡人向後師陽虎伍員先時笑白猿冷暝飲魚心不昧溜
澠別水舌難言樓臺雲閃還成市頭腦冬烘況是天煞認
穎師詩上字琵琶殊勝七條絃

鄭伯區區惜佩蘭爾朱莽莽刈霜菅呪人大費銅鈴語點
鬼多於玉筍班傀儡一絲牽白髮饅頭半餡缺青山千秋
眨眼螢光裏雙脊撐腰碧落閒

李斯犬在難成虎賓孟雞全豈似鸞此處古人目不瞬誰
家田地足能安梁鴻妻偶容眉壽文舉兒甯問卵完猶得
棠梨澆一飯雙眸莫受淚珠瞞